



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

XV. Canonici, & Moniales Ordinis Hospitalarii S. Spiritus, in Hispaniarum, &
Poloniæ Regnis commorantes , a jurisdictione Præceptoris Generalis S.
Spiritus in Saxia de Urbe eximuntur, & Locorum ...

[urn:nbn:de:hbz:466:1-74696](https://nbn-resolving.org/urn:nbn:de:hbz:466:1-74696)

ANNO

1741.

tantum comprehendit, qui a praeiudiciis destituerint.

Derogat contrariis.

Eiā Indulto, quod quis excommunicari non possit, nisi facta eiusdem Indulti mentione.

Affixio praesentium in Urbe vim habeat personalis praesentationis.

Mandat praesentes annuatim publicari per quoslibet Praelatos in propriis Ecclesiis.

absolutionem, etiam solemniter per Nos faciendam, praedictos excommunicatos sub praesentibus comprehensos, nisi prius a praemissis cum vero proposito ulterius similia non committendi, desierint, ac quoad eos, qui contra Ecclesiasticam libertatem, ut praefertur, statuta fecerint, nisi prius facta, ordinationes, constitutiones, pragmatias, & decreta huiusmodi publicè revocaverint, & ex Archivis, seu Capitularibus Locis, aut Libris, in quibus annotata reperiuntur, deleri, & cassari, ac Nos de revocatione huiusmodi certiores fecerint, eos non comprehendere, nec eis aliter suffragari, quin etiam per huiusmodi absolutionem, aut quoscumque alios actus contrarios, tacitos, vel expressos, ac etiam per patientiam, & tolerantiam nostram, vel Successorum Nostrorum quancumque tempore continuatam, in praemissis omnibus, & singulis, ac quibuscumque iuribus Sedi Apostolicae, ac Sanctae Romanae Ecclesiae undecumque, & quancumque quaesitis, vel quaerendis, nullatenus praedjudicari posse, aut debere.

Non obstantibus privilegiis, indulgentiis, indultis, & literis Apostolicis generalibus, vel specialibus, supradictis, vel eorum alicui, seu aliquibus aliis, cuiuscumque ordinis, status, vel conditionis, dignitatis, & praeminentiae fuerint, etiam si, ut praefertur, Pontificali, Imperiali, Regali, seu quavis Ecclesiastica, & mundana praesulgeant dignitate, vel eorum Regnis, Provinciis, Civitatibus, seu locis a praedicta Sede, ex quavis causa, etiam per viam contractus, aut remunerationis, & sub quavis alia forma, & tenore, ac cum quibusvis clausulis, etiam derogatoriis derogatoriis concessis, etiam continentibus, quod excommunicari, anathematizari, vel interdicti non possint per Literas Apostolicas non facientes plenam, & expressam, ac de verbo ad verbum de privilegiis, indulgentiis, & indultis huiusmodi, ac de Ordinibus, locis, nominibus propriis, cognominibus, & dignitatibus eorum mentionem, necnon consuetudinibus, etiam immemorabilibus, ac praescriptionibus quantumcumque longissimis, & aliis quibuslibet observantiis, scriptis, vel non scriptis, per quae contra hos nostros Processus, ac sententias, quominus includantur in eis, se juvare valeant, vel tueri, quae omnia, quoad hoc, eorum omnium tenores, ac si de verbo ad verbum, nihil penitus omisso, infererentur, praesentibus pro expressis habentes, penitus tollimus, & omnino revocamus, ceterisque contrariis quibuscumque.

Ut vero praesentes nostri Processus ad publicam omnium notitiam facilius deducantur, chartas, seu membranas Processus ipsos continentes, valvis Basilicae Sancti Joannis Lateranensis, & Basilicae Principis Apostolorum de Urbe appendi faciemus, ut ii, quos Processus huiusmodi concernunt, quod ad ipsos non pervenerint, aut quod ipsos ignoraverint, nullam possint excusationem praetendere, aut ignorantiam allegare, cum non sit verisimile, id remanere incognitum, quod tam patenter omnibus publicatur. Insuper, ut Processus ipsi, & praesentes literae, ac omnia, & singula in eis contenta eò fiant notiora, quò in plerisque Civitatibus, & locis fuerint publicata, universis, & singulis Patriarchis, Primatibus, Archiepiscopis, Episcopis, & locorum Ordinariis, & Praelatis ubilibet constitutis, per haec scripta committimus, & in virtute sanctae obedientiae directè praecipiendo mandamus, ut per se, vel alium, seu alios, praesentes literas, postquam eas receperint, seu earum habuerint notitiam, semel in anno, aut si expedire viderint, etiam pluries in Ecclesiis suis, dum in eis major Po-

puli multitudo ad divina convenerit, solemniter publicent, & ad Christifidelium mentes reducant, nuncient, & declarent.

Ceterum Patriarchae, Archiepiscopi, Episcopi, alique locorum Ordinarii, & Ecclesiarum Praelati, necnon Rectores, ceterique curam animarum exercentes, ac Presbyteri saeculares, & quorumvis Ordinum Regulares ad audiendas peccatorum confessiones quavis auctoritate deputati, transumptum praesentium literarum penes se habeant, easque diligenter legere, & percipere studeant. Volentes earumdem praesentium transumptis, etiam impressis, Notarii publici manu subscriptis, & sigillo Iudicis ordinarii Romanae Curiae, vel alterius personae in dignitate Ecclesiastica constitutae munitis, eandem prorsus fidem in iudicio, & extra illud ubique locorum adhiberi, quae ipsis praesentibus adhiberetur, si essent exhibitae, vel ostensa. Nulli ergo omnino hominum liceat hanc paginam nostrae excommunicationis, anathematizationis, interdicti, innovationis, innodationis, declarationis, protestationis, sublationis, revocationis, commissionis, mandati, & voluntatis infringere, vel ei ausu temerario contraire; si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum eius se noverit incursum.

Datum Romae apud Sanctum Petrum, Anno Incarnationis Dominicae millesimo septingentesimo quadagesimo primo, III. Kalendas Aprilis, Pontificatus Nostri Anno Primo.

P. Card. Prod. D. Card. Passioneus.

VISA DE CURIA.

N. Antonellus.

Loco ✠ Plumbi.

J. B. Eugenius.

Registrata in Secretaria Brevium.

Canonici, & Moniales Ordinis Hospitalarii S. Spiritus, in Hispaniarum, & Poloniae Regnis commorantes, a iurisdictione Praeceptoris Generalis S. Spiritus in Saxia de Urbe eximuntur, & Locorum Ordinariis subijciuntur.

BENEDICTUS EPISCOPUS,

Servus Servorum Dei. Ad perpetuam rei memoriam.

SEPE Romanorum Pontificum animos vehementer angit, ac sollicitat ea cura, & cogitatio, ne gratiae, favores, & privilegia ex prudenti Apostolici regiminis dispensatione in animarum salutem, & spiritualem Christifidelium profectum, & aedificationem, eorum praesertim, qui sub suavi Religionis jugo Domino famulantur, benigne liberaliterque impertita, in eorum perniciem, ac detrimentum, vel hominum culpa, vel infernalis Hostis astutia, vel ipsa mutabili, ac fluxa rerum humanarum natura vertantur. Itaque nonnunquam, quae iustis impellentibus causis concessa sunt, rerum subinde experientia suadente, Romana Sedes solum Deum praes oculis habens, revocat, atque immutat, & providae sollicitudinis studium prudenter interponit, prout, personarum, & rerum, temporumque qualitatibus maturè pensatis, conspiciat in Domino salubriter expedire.

§. I. Aliàs siquidem Romani Pontifices, & praesertim fel. rec. Innocentius III. in sua, quae incipit: *Inter opera*: ac Nicolaus IV. in sua, quae similiter incipit: *Inter opera pietatis*; & Sixtus IV. Praedecessores nostri in una, quae incipit: *Et si universis*: necnon in altera, quae

incipit:

ANNO

1741.

Singuli Praelati, & animarum curam habentes, ac simplices Confessarii has literas penes se retinere debeant.

Fides habenda Transumptis.

Sanctio penal.

Dat. die 30. Martii 1741.

XV.

Privilegia Apostolica nonnunquam juxta temporum circumstantias moderanda.

Quorum plura Ordini S. Spiritus olim indulta.

ANNO
1741.

Et præcipue
exemptio à
iurisdictione
Ordinario-
rum, cum
subiectione
Præceptori
Generali S.
Spiritus de
Urbe.

Causæ præ-
sentis Con-
stitutionis.

Hospitalarii
dicti Ordinis
in Regnis
Hispaniarum
& Polonia
existant, ex-
imuntur à iu-
isdictione
Præceptoris
Generalis.

Salva præ-
statione an-
nui Canonis
Archihospita-
lii S. Spiritus
de Urbe
facien-

Et subijciuntur
omnimoda
iurisdictioni
Ordinatio-
rum.

Delegata
Ordinarius
facultate eos-
dem compellendi.

Moniales
item Ordina-
riorum regi-
mini subijciuntur.

incipit: *Religionis zelus*: suis respectivè Con-
stitutionibus, Regularem, & Hospitalarium Or-
dinem Sancti Spiritus in Saxia, ob varia, &
laudabilia Christiana caritatis opera, quæ ab
Ordine ipso erga debiles, faucios, atque agros-
tos exercentur, plurimis gratis, indultis, &
privilegiis diversis eorumdem Prædecessorum
temporibus cumulaverunt; Inter quæ privilegia
illud existit, per quod omnes eundem Ordi-
nem expressè professi, una cum eorum Con-
ventibus, Domibus, & Bonis, sub Sedis Apo-
stolicæ protectione, eique immediatè subiecti,
ac ab omnimoda superioritate, iurisdictione,
visitatione, correctione, & potestate Ordina-
riorum perpetuò exempti declarantur, & iu-
isdictioni, superioritati, & auctoritati Præcep-
toris Generalis Ordinis prædicti, in hac nostra
Alma Urbe apud Archihospitale Sancti Spiritus
residentis, plenariè subijciuntur.

§. 2. Cum autem, sicut accepimus, & diu-
turna experientia compertum est, non satis per
ipsius Generalis Præceptoris curam, operam,
& auctoritatem, debita integritati disciplinæ
eorum, qui prædicto Hospitalario Ordini ad-
scripti reperiuntur, & procul in remotis præ-
sertim Regionibus degunt, consili valeat; Nos
igitur, qui ad salubriorem dicti Ordinis, il-
lumque profitentium statum præcipuas Aposto-
licæ nostræ sollicitudinis, & Paternæ providen-
tiæ dirigimus partes, &, ut eorum caritas per
debitum cæterarum virtutum cultum uberior
efflorescat in dies coram Domino, & bonum
exhibeat sanctæ conversationis odorem, de non-
nullorum Venerabilium Fratrum nostrorum S.
R. E. Cardinalium consilio, omnes, & singu-
los Hospitalarios Ordinis Sancti Spiritus præ-
dicti intra Hispaniarum Regna, ac intra Polo-
niæ Regnum nunc existentes, & pro tempore
exituros, etiam Priores, vel Præpositi, aut
Canonici nuncupati dicti Ordinis, & five in
Conventibus, aut Hospitalibus, aut Priorati-
bus, & Præceptoris, five extra Conventus, Hos-
pitalia, Prioratus, & Præceptorias nunc com-
morantur, vel pro tempore commoraturi fue-
rint, ab omnimoda iurisdictione, & obedi-
entia Magistri, seu Præceptoris Generalis Archi-
hospitalis Sancti Spiritus in Saxia de Urbe, non
tamen quoad solutionem anni Canonis à Con-
ventibus prædicti Ordinis dicto Archihospitali
Sancti Spiritus, tanquam Capiti Ordinis Hospi-
taliarii hujusmodi, persolvi consuetam, quam
semper firmam & illasam esse, & perinde ac si
præsentes à nobis minimè emanassent, persol-
vi volumus, motu proprio, ex certa scientia,
matura deliberatione nostris, deque Apostoli-
cæ nostræ potestatis plenitudine tenore præsen-
tium eximimus, & liberamus, eosque sic
exemptos, & liberatos visitationi, corre-
ctioni, & omnimodæ iurisdictioni Ordinatio-
rum Locorum, in quibus Ordinem Hospitala-
rium professi nunc existunt, & pro tempore
extiterint, eadem Apostolica Auctoritate etiam
perpetuò per easdem præsentis subijcimus,
eisque subiacere volumus, ac semper subiectos
esse decernimus, statuimus, & mandamus.
Necnon Ordinariis prædictis, & eorum cuilibet,
ut ipsi, tanquam à Sede Apostolica dele-
gati, rebelles, & eis subiacere renuentes,
per Censuras Ecclesiasticas ad se subijciendos
compellere liberè, & licitè valeant, facultatem
concedimus, & impertimur.

§. 3. Insuper Moniales ejusdem Ordinis
Sancti Spiritus in prædictis Hispaniarum Regnis,
& Polonia Regno existentes, tam in spiritua-
libus, quam temporalibus, curæ, & regimi-
ni, & omnimodæ Ordinariorum prædictorum,
in quorum Diocesi ipsarum Monasteria sita re-
periuntur, iurisdictioni pariter perpetuò eadem
Apostolica Auctoritate subijcimus, & subiectas

esse volumus; easque propterea à quacumque
Fratrum Hospitaliariorum Ordinis prædicti sub-
iectione, & regimine penitus, & omnino dicta
auctoritate similiter perpetuò tenore earumdem
præsentium eximimus, & liberamus: eisdem-
que Fratribus, ne ipsi in iis, quæ Monasterio-
rum prædictorum gubernium, & regimen quo-
modolibet pertinent, in posterum, sub excom-
municationis, ac privationis utriusque vocis,
aliisque arbitrio nostro imponendis pœnis, se
ullatenus ingerere audeant, Apostolica Aucto-
ritate prædicta, earumdem præsentium tenore
etiam perpetuò inhibemus, penitusque prohibe-
mus.

§. 4. Omnes autem, & singulos Ordinem
Hospitaliarium prædictum professos, in His-
paniarum Regnis, & in Polonia Regno nunc,
& pro tempore existentes, & in eisdem Reg-
nis pro tempore commorantes, in virtute sanctæ
obedientiæ monemus, ut eosdem Ordina-
rios, tanquam Sedis Apostolicæ Delegatos,
pro debita Nobis, & Apostolica Sedi reveren-
tia, congruo honore, & convenienti obser-
vantia, promptaque obedientia venerentur; ip-
sos quoque Ordinarios hortamur in Domino,
ac per viscera Misericordiæ Dei nostri requi-
rimus, ut Ordinem Hospitaliarium hujusmodi
profidentes paterno amore prosequentes, be-
nevolè tractent, ac benignè foveant, seque il-
lis pia munificentia liberales exhibeant, ac in
omnibus prædictis tanquam in Agro Dominico
cooperatores, & laboris participes, congrua
benignitate recipiant, eorumque jura omni stu-
dio, & cura custodiant, atque tueantur, ut
ipsi Ordinem Hospitaliarium hujusmodi profiten-
tes, quorum opera, veluti lucernæ ardentes
in conspicuo loco positæ, omnibus Christianis
libus erga miseros, & afflictos vulneribus,
morbis, variisque ægritudinibus corporis, &
nonnunquam simul etiam animi, languentes,
caritatis lumen præbere debent, ad Dei lau-
dem, & Fidei Catholicæ exaltationem, & ani-
marum salutem, in tam sublimi, excellentique
virtute de die in diem proficientes, exinde à
largissimo bonorum omnium retributore Domino
perennis vitæ præmium consequi mereantur.

§. 5. Ac demum Constitutioni pie memo-
riae Benedicti Papæ XIII. similiter Prædecesso-
ris nostri edita sub datum Idibus Februarii Anno
Incararnationis Dominicæ millesimo septin-
gentesimo vicesimo-sexto, Pontificatus sui Anno
secundo, & quæ incipit: *Sacra*: inherentes,
transitum prohibemus à quocumque Regulari,
& Claustrali Ordine ad prædictum Hospitala-
rium Sancti Spiritus in Saxia nuncupatum Or-
dinem, nisi servata in omnibus, & per omnia,
& quoad omnia, forma, & tenore dictæ Con-
stitutionis prædicti Benedicti Prædecessoris, quam
potiori pro cautela etiam quoad prædictum Or-
dinem Hospitaliarium Sancti Spiritus in Saxia
nuncupatum extendimus per præsentis, & ampli-
amus, eamque omnino servandam esse, aucto-
ritate, motuque nostris prædictis, earumdem
tenore præsentium declaramus, & statuimus.

§. 6. Præsentes quoque nostras literas, nul-
lo unquam tempore, etiam ex eo, quod Præ-
ceptorias, Prioratus, & alia Beneficia dicti Or-
dinis Hospitalarii in Hispaniarum, & Polonia
Regnis prædictis obtinentes, & in dictis Regnis
existentes, vel quicumque alii in præmissis in-
teresse quomodolibet habentes, eisdem præmis-
sis expressè non consenserint, nec ad id vocati,
aut requisiti, ac omnes causæ, propter quas
eadem præmissa emanaverint, examinata, veri-
ficata, & approbata fuerint, seu etiam enor-
mis, vel enormissima, & totalis læsionis, aut
alio quovis prætextu, & ex quocumque capi-
te, aut quavis causa, vel occasione quantum-
cumque notabili, & juridica, etiam necessario

ANNO
1741.

Et eximuntur à regimine Fratrum Hospitaliariorum.

Cum inhibitione, ne isti amplius in earum gubernio se immisceant.

Et præcepto obediendi Ordinariis tamquam Sedis Apostolicæ delegatis.

Quibus prædicti Ordinis Profectores eorumque jura enixe commendantur.

Constitutio Bened. XIII. super transitu ab aliis Ordinibus Regularibus ad Ordines Hospitalarios, innovatur, & ad Ordinem Sancti Spiritus expressè extenditur.

Claustrales salutares.

ANNO
1741.

exprimenda, intentionis nostræ, vel alio quocumque defectu, notari, impugnari, in toto, vel parte rescindi, retractari, annullari, invalidari, in jus, vel controversiam vocari, ad terminos juris reduci, seu adversus illas quodcumque juris, facti, vel gratiæ remedium impetrari posse, minusque sub quibusvis similibus, vel dissimilibus gratiarum revocationibus, suspensionibus, limitationibus, modificationibus, derogationibus, & aliis contrariis dispositionibus à Nobis, seu quibusvis aliis Romanis Pontificibus Successoribus nostris, ac dicte Sede, etiam motu, scientia, & potestatis plenitudine similibus, ac Consistorialiter pro tempore emanatis, nullatenus comprehendi, nec comprehensas censi, sed semper ab illis exceptas, & contra quascumque alias exceptiones quantumvis graves, omnino, & semper validas, & efficaces fore, & esse, suosque plenarios, & integros effectus sortiri, & perpetuo suffragari in omnibus, & per omnia, ac si vocatis omnibus, & singulis, quorum interest, de illorum consensu emanasset; neque Locorum Ordinarios prædictos, nunc, & pro tempore existentes, vel alios quoscumque, ad præmissa in toto, vel in parte verificanda, seu probanda ullo unquam tempore teneri, nec ad id quavis necessitate cogi, aut compelli posse; sed solam earundem præsentium narrationem absque alia verificatione, vel probatione sufficere, eisque in iudicio, & extra illud stari, nec aliquam probationem, seu exceptionem cuiusvis nature, & speciei illa sit, vel fuerit, in contrarium adduci, vel admitti. Sicque, & non alias, per quoscumque Iudices Ordinarios, & extraordinarios quacumque facultate fungentes, etiam Causarum Palatii nostri Apostolici Auditores, necnon S. R. E. Cardinales etiam de Latere Legatos, Vice-Legatos, dictæque Sedis Nuncios, sublata eis, & eorum cuilibet quavis aliter iudicandi, definiendi, & interpretandi auctoritate, in quavis causa, & instantia iudicari, & defini debere, ac quicquid secus super his à quoquam quavis auctoritate scienter, vel ignoranter contigerit attentari, irritum, & inane decernimus. Non obstantibus Nostra, & Cancellariæ Apostolicæ regula *de jure quæsto non tollendo*, necnon prædictis Innocentii, Nicolai, & Sixti Prædecessorum nostrorum quoad præmissa dumtaxat, aliisque Apostolicis, ac in Universalibus, Provincialibus, & Synodalibus Conciliis editis specialibus, vel generalibus Constitutionibus, & Ordinationibus Apostolicis, necnon Ordinis Hospitalarii Sancti Spiritus in Saxia, illiusque Præceptoriarum, Prioratum, & Conventuum, ac Monialium Monasteriorum in Hispaniarum, & Polonia Regnis prædictis existentium, etiam juramento, confirmatione Apostolica, vel quavis firmitate alia respectivè roboratis statutis, consuetudinibus, stabilimentis, usibus, naturis, erectionibus, institutionibus, & exemptionibus, privilegiis quoque, indultis, & literis Apostolicis, illis, eorumque Præceptoribus, Prioribus, & Fratribus, ac Abbatibus Monasteriorum prædictorum, illorumque Monialibus, & respectivè personis, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis per prædictos, & quoscumque alios Romanos Pontifices similiter Prædecessores, motu, scientia, & potestatis plenitudine paribus, ac ex certis tunc expressis, etiam Consistorialiter propositis, & diligenter examinatis causis, concessis, approbatis, & innovatis; quibus omnibus, etiam si pro illorum sufficienti derogatione aliàs de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quavis alia

Sublata aliter iudicandi facultate.

Derogationes generales, & particulares.

expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata, inserta essent, præsentibus pro sufficienter expressis, & insertis habentes, illis aliàs in suo robore permanentibus, hac vice dumtaxat specialiter, & expresse, ac latissimè derogamus, cæterisque contrariis quibuscumque.

§. 7. Cæterum, quia difficile foret præsentibus nostras Literas ad singula loca, ubi opus esset, deferri, volumus, ut earum exemplis, etiam impressis, manu tamen Notarii publici subscriptis, vel alicujus Personæ in dignitate Ecclesiastica constitutæ Sigillo munitis, eadem prorsus fides adhibeatur, quæ præsentibus adhiberetur si forent exhibitæ, vel ostensæ. Nulli ergo omnino hominum liceat hanc paginam nostri Decreti, Constitutionis, derogationis, subjectionis, & voluntatis infringere, vel ei ausu temerario contraire; si qui autem hoc attentare præsumpserit, indignationem Omnipotentis Dei, & BB. Petri, & Pauli Apostolorum ejus se noverit incursum.

Datum Romæ apud S. Mariam Majorem Anno Incarnationis Dominicæ millesimo septingentesimo quadragésimo primo, Nonis Aprilis, Pontificatus Nostri Anno Primo.

D. Card. Passioneus.

X. Sub-Datarius.

VISA DE CURIA.

N. Antonellus.

A. S. Sisti.

Loco ✕ Plumbi.

Registrata in Secretaria Brevium.

Admonitio ad Episcopos in Polonia Regno constitutos, ut cautius procedant in admittendis conjugiorum dissolutionibus.

Venerabilibus Fratribus Archiepiscopis, & Episcopis Regni Poloniae.

B E N E D I C T U S PAPA XIV.

Venerabiles Fratres, salutem, & Apostolicam Benedictionem.

MATRIMONII perpetuum indissolubilemque nexum, cujus firmitatem ab Adamo tanto ante pronuntiatam Christus Dominus, & his verbis, *quod Deus conjunxit, homo non separet*, confirmare, & Evangelica gratia, unde magnum in Ecclesia Sacramentum est, augere dignatus fuit, tanta facilitate, perinde ac si neque lege natura, neque Divino Jure, neque Evangelicis præceptis, & Canonicis Sanctionibus inintus esset Connubium, in aliquot Catholicis Orbis partibus, atque in isto præsertim florantissimo Poloniae Regno in dies dissolvi audientes; neque lacrymis, neque verbis explicare possumus allatam inde Nobis incredibilem sollicitudinem, conceptamque in Pontificio animo Nostro ingentem molestiam. Etsi autem plurimum dolentes, facile adducimur, ut credamus hujusmodi dissolvendorum Conjugiorum licentiam, propter quam, non sine gravi bonorum offensione, siue vir unus, siue mulier una, pluribus vicissim adhuc viventibus sibi antea copulatis Conjugibus, tertium, aut quartum matrimonium contrahere cernitur, a nimia Curiarum vestrarum libertate, quemadmodum alibi evenire accepimus, ortum ducere; tamen facere non possumus, quin justissimas ad vos, Venerabiles Fratres, querelas nostras deferamus; atque insimul tanta licentiæ refrærendæ, & intra præscriptos a Catholica Ecclesia fines coercendæ, salutares Leges modumque meditemur.

ANNO
1741.

De præsentium exemplis, siue transumptis.

Sanctio.

Dat. die 7.
April. 1741.

XVI.

Matrimonium jure naturali, Divino, & Canonico indissolubile.

Ejusdem dissolvendi facilitas improbat.

S. I. Ad